



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ՓԱՄԲԱԿ ՀԱՄԱՅՆՔԻ ԱՎԱԳԱՆՈՒ

ԱՐՁԱՆԱԳՐՈՒԹՅՈՒՆ ԹԻՎ 01

15 փետրվարի 2024 թվական
ԱՎԱԳԱՆՈՒ ՀԵՐԹԱԿԱՆ ՆԻՍՏԻ

գ. Փամբակ

Ավագանու նստավայր

Նիստը վարում էր համայնքի ղեկավար, ավագանու անդամ Սուրեն Կոստանդյանը:

Նիստն արձանագրում էր աշխատակազմի քարտուղար Ռաիսա Մինասյանը:

Մասնակցում էին՝

«Քաղաքացիական պայմանագիր» կուսակցության ավագանու խմբակցության անդամներ՝ Սուրեն Կոստանդյանը, Սամվել Անանյանը, Աշոտ Անտինյանը, Արշակ Սրապյանը, Արայիկ Քոչարյանը, Գրիգոր Կարապետյանը, Պավլիկ Պապինյանը, Շուշանիկ Հակոբյանը, Սերյոժա Սարգսյանը, Էմմա Գասպարյանը և Արմենուհի Ոսկանյանը:

«Բարգավաճ Հայաստան» կուսակցության ավագանու խմբակցության անդամներ՝

Սասուն Մարանդյանը, Սևակ Խաչատրյանը, Թիանա Բոջուկյանը և Նաիրա Հարությունյանը:

Նիստից բացակա ավագանու անդամներ չկան:

Նիստին նեկա էին ՀՀ Լոռու մարզպետի տեղակալ Գուռ Ասրյանը, Լոռու մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ՝ Մհեր Խեչումյանը, վարչական ղեկավարներ:

Նիստն իրավազոր է՝ նիստին ներկա են ավագանու 15 անդամ

ՆԻՍՏԸ - Նիստը վարող Սուրեն Կոստանդյանը ժամը 11.00-ին նիստը հայտարարեց բացված:

Նիստ վարողն իր նախաձեռնությամբ առաջարկեց օրակարգի մեջ ներառել և քվեարկել որպես լրացուցիչ 13-14-րդ հարցեր և որոշման նախագծեր հետևյալ բովանդակությամբ.

13. ՀՀ Լոռու մարզի Փամբակ համայնքում տեղական տուրք և տեղական վճար վճարողների գրանցամատյանները վարելու կարգը հաստատելու մասին:

14. Փամբակ համայնքի 2024 թվականի տարեկան աշխատանքային պլանը հաստատելու մասին
զեկ. Ռ. Մինասյան

Քվեարկությամբ, կողմ՝ 15 ձայների համաձայնությամբ որոշման նախագծերն ընդգրկվեցին օրակարգում:

Նիստ վարողն առաջարկեց հաստատել օրակարգը լրացուցիչ որոշման նախագծով:
Քվեարկությամբ, կողմ՝ 15 ընդունվեց որոշում / կցվում է որոշում N 001-Ա/:

Հաստատվեց օրակարգը, ինչով էլ սպառվեց ներկայացված օրակարգի առաջին հարցը.
Հաստատված օրակարգը՝

1. ՀՀ Լոռու մարզի Փամբակ համայնքի ավագանու 2024թ-ի փետրվարի 15-ի թիվ 01 հերթական նիստի օրակարգը հաստատելու մասին:

զեկ. Ս. Կոստանդյան

2. Հայաստանի Հանրապետության Լոռու մարզի Փամբակ համայնքի 2023 թվականի բյուջեի կատարման տարեկան և հաշվետու տարում համայնքի տարեկան աշխատանքային պլանի իրականացման վերաբերյալ հաշվետվությունները հաստատելու մասին:

զեկ. Ս. Կոստանդյան

3. Հողի հարկի ապառքի և անշարժ գույքի հարկի արտոնություն սահմանելու մասին:

զեկ. Ռ. Մինասյան

4. Փամբակ համայնքի սեփականություն համարվող արխիվային փաստաթղթերի սեփականության իրավունքը պետական սեփականության՝ Հայաստանի Հանրապետության ազգային արխիվի տնօրինմանը փոխանցելու մասին:

զեկ. Ռ. Մինասյան

5. Հայաստանի Հանրապետության Լոռու մարզի Փամբակ համայնքի ավագանու 09.02.2022թ-ի թիվ 11-Ա որոշման մեջ փոփոխություններ կատարելու մասին:

զեկ. Ռ. Մինասյան

6. Փամբակ համայնքի սեփականություն հանդիսացող հողամասերն աճուրդ վաճառքով օտարելուն, վարձակալության և կառուցապատման իրավունքներով տրամադրելուն համաձայնություն տալու, մեկնարկային գները, աճուրդի և մրցույթի պայմանները հաստատելու մասին:

զեկ. Ա. Օհանյան

7. Համայնքային սեփականություն հանդիսացող հողամասերն Ինգա Նորայրի Սիրեկանյանին ուղղակի վաճառքով օտարելու մասին:

զեկ. Ա. Օհանյան

8. Համայնքային սեփականություն հանդիսացող հողամասերն Օնիկ Օնիկի Պեպանյանին ուղղակի վաճառքով օտարելու մասին:

9. ՀՀ Լոռու մարզի Փամբակ համայնքի ավագանու 2023թ-ի դեկտեմբերի 27-ի թիվ 148-Ն որոշման մեջ փոփոխություններ կատարելու մասին:

զեկ. Կ. Շերմազանյան

10. ՀՀ Լոռու մարզի Փամբակ համայնքում մասնակցային բյուջետավորման գործընթաց իրականացնելու նպատակով գումար հատկացնելու մասին:

զեկ. Ռ. Մինասյան

11. «Աստղիկ» բարեգործական ՀՄԴ-ին կարի արտադրամաս շահագործելու նպատակով, Փամբակ համայնքի սեփականություն հանդիսացող Վահագնի գյուղի վարչական կենտրոնի շենքի 142,2 քմ մակերեսով նկուղը վարձակալությամբ տրամադրելու մասին:

զեկ. Ա. Օհանյան

12. Հայաստանի Հանրապետության Լոռու մարզի Փամբակ համայնքի ավագանու վեցերորդ նստաշրջանի հերթական նիստի օր սահմանելու մասին:

զեկ. Ս. Կոստանդյան

13. ՀՀ Լոռու մարզի Փամբակ համայնքում տեղական տուրք և տեղական վճար վճարողների գրանցամատյանները վարելու կարգը հաստատելու մասին:

զեկ. Ռ. Մինասյան

14. Փամբակ համայնքի 2024 թվականի տարեկան աշխատանքային պլանը հաստատելու մասին:

զեկ. Ռ. Մինասյան

ԸՆԹԱՑՔԸ՝

1. ԼՍԵՑԻՆ - Հայաստանի Հանրապետության Լոռու մարզի Փամբակ համայնքի 2023 թվականի բյուջեի կատարման տարեկան և հաշվետու տարում համայնքի տարեկան աշխատանքային պլանի իրականացման վերաբերյալ հաշվետվությունները հաստատելու մասին հարցի նախագիծը:

- զեկուցեց Փամբակ համայնքի ղեկավար Սուրեն Կոստանդյանը:

Զեկուցողը ներկայացրեց, որ

1. Փամբակ համայնքի 2023 թվականի բյուջեն կատարվել է.

1) ԵԿԱՆՈՒՏՆԵՐԻ ԳԾՈՎ՝

Փամբակ համայնքի 2023 թվականի բյուջեի ընդհանուր եկամուտները նախատեսված 744.221.300 դրամի դիմաց փաստացի կազմել են 714.755.700 դրամ, կամ կատարողականը կազմել է 96.0 %: Նախորդ՝ 2022թ-ի համեմատությամբ եկամուտները ավել են կատարվել 150.203.900 դրամով՝ աճը կազմել է 126.6%:

2023 թվականի բյուջեի վարչական մասի եկամուտները նախատեսված (պլանավորված) 607.693.900 դրամի դիմաց փաստացի կատարվել է 581.881.600 դրամ՝ ապահովելով 95.8% կատարողական: Նախորդ տարվա համեմատությամբ բյուջեի վարչական մասի եկամուտները ավել են կատարվել 103.386.200 դրամով՝ ապահովելով 121.6% աճ:

Ֆոնդային մասի եկամուտները նախատեսված (պլանավորված) 295.710.000 դրամի դիմաց փաստացի կատարվել են 270.100.900 դրամ՝ ապահովելով 91.3% կատարողական: Նախորդ տարվա համեմատությամբ բյուջեի ֆոնդային մասի եկամուտները ավել են կատարվել 153.629.100 դրամով՝ ապահովելով 231.9% աճ:

2023 թվականի բյուջեի սեփական եկամուտները նախատեսվել են 163.090.700 դրամ: Փաստացի հավաքագրումը կազմել 148.507.000 դրամ, կատարողականը կազմելով 91.0 %: 2022թ-ի համեմատությամբ եկամուտները ավել են գանձվել 36.989.000 դրամով՝ ապահովելով 133.2% աճ:

Ներկայացվում է Փամբակ համայնքի 2023 թվականի բյուջեի սեփական եկամուտների վերլուծությունը ըստ հարկատեսակների /եկամտատեսակների/

- Գույքահարկի ապառք համայնքների վարչական տարածքներում գտնվող շենքերի և շինությունների մասով - տարվա համար նախատեսված 300.000 դրամի նկատմամբ փաստացի հավաքագրումը կազմել է 235.400 դրամ, կատարողականը կազմելով 78.5%: Նախորդ տարվա համեմատությամբ պակաս է գանձվել 108.400 դրամ, կամ նախորդ տարվա համեմատությամբ կատարվել է 68.4 %-ով:

- Հողի հարկի ապառքի մասով - տարվա համար նախատեսված 3.392.600 դրամի նկատմամբ փաստացի հավաքագրումը կազմել է 3.818.900 դրամ, կատարողականը կազմելով 112.6%: Նախորդ տարվա համեմատությամբ պակաս է գանձվել 1.345.200 դրամ, կամ նախորդ տարվա համեմատությամբ կատարվել է 65.7 %-ով:

- Անշարժ գույքի հարկի մասով - տարվա համար նախատեսված 23.331.800 դրամի նկատմամբ փաստացի հավաքագրումը կազմել է 18.653.700 դրամ, կատարողականը կազմելով 79.9%: Նախորդ տարվա համեմատությամբ պակաս է գանձվել 1.972.200 դրամ, կամ նախորդ տարվա համեմատությամբ կատարվել է 90.4 %-ով:

- Գույքահարկ փոխադրամիջոցների մասով - տարվա համար նախատեսված 70.940.000 դրամի նկատմամբ փաստացի հավաքագրումը կազմել է 53.560.700 դրամ, կատարողականը կազմելով 75.5%: Նախորդ տարվա համեմատությամբ ավել է գանձվել 2.828.100 դրամ, կամ նախորդ տարվա համեմատությամբ կատարվել է 105.6 %-ով:

- Տեղական տուրքերի մասով - տարվա համար նախատեսված 4.862.600 դրամի նկատմամբ փաստացի մուտքերը կազմել են 5.265.400 դրամ, կատարողականը կազմել է 108.3%: Նախորդ տարվա համեմատությամբ ավել է գանձվել 674.500 դրամ, կամ նախորդ տարվա համեմատությամբ կատարվել է 114.7 %-ով:

- Այլ եկամուտների մասով - տարվա համար նախատեսված 111.176.100 դրամի նկատմամբ փաստացի հավաքագրումը կազմել է 106.610.000 դրամ, կատարողականը կազմելով 95.9%:

Պաշտոնական դրամաշնորհներ՝ դրոշմացիաներ.

1. Պաշտոնական դրամաշնորհների՝ դոտացիայի մասով – 2023թ-ի համար նախատեսված 401.679.000 դրամի դիմաց փաստացի մուտքերը կազմել են 401.679.000 դրամ, կատարողականը կազմել է 100.0%: Նախորդ տարվա համեմատությամբ ավել է կատարվել 49.702.300 դրամով, կամ նախորդ տարվա համեմատությամբ կատարվել է 114.1 %-ով:

2. Պետական բյուջեից տրամադրվող այլ դոտացիաների մասով – տարվա համար նախատեսված 595.700 դրամի դիմաց փաստացի մուտքերը կազմել են 595.700 դրամ, կատարողականը կազմել է 100.0%: Նախորդ տարվա ընթացքում մուտքեր չեն եղել:

3. Պետական բյուջեից կապիտալ ծախսերի ֆինանսավորման նպատակային հատկացումների (սուբվենցիաների) մասով – տարվա համար նախատեսված 127.943.500 դրամի դիմաց փաստացի մուտքերը կազմել են 124.336.900 դրամ, կատարողականը կազմել է 97.2 %: Նախորդ տարվա համեմատությամբ ավել է կատարվել 65.240.200 դրամով, կամ նախորդ տարվա համեմատությամբ կատարվել է 210.4 %-ով:

2023թ-ի ընթացքում վարչական բյուջեի պահուստային ֆոնդից ֆոնդային բյուջե փաստացի կատարվել է 137.226.800 դրամ հատկացում, նախատեսված 159.182.600 դրամի դիմաց՝ ապահովելով 86.2% կատարողական: Նախորդ տարվա համեմատությամբ ավել է կատարվել 106.811.400 դրամով, կամ նախորդ տարվա համեմատությամբ կատարվել է 451.2 %-ով:

2) ԾԱԽՍԵՐԻ ԳԾՈՎ՝

Փամբակ համայնքի 2023 թվականի բյուջեի միջոցների հաշվին իրականացված ընդհանուր ծախսերը նախատեսված 834,443.500 դրամի դիմաց փաստացի կատարվել են 762.728.000 դրամով, կամ կատարողականը կազմել է 91.4 %: Նախորդ 2022թ-ի համեմատությամբ ծախսերը ավել են կատարվել 104.580.300 դրամով՝ աճը կազմել է 115.9%:

2. 2023թ տարեկան աշխատանքային պլանով / այսուհետ ՏԱՊ/ նախատեսված ծրագրերի լուծման ուղղությամբ 2023թ-ին իրականացվել են ներքոնշյալ աշխատանքները:

1) Վահագնի և Արջուտ բնակավայրերի փողոցների նորոգում ասֆալտապատման միջոցով

ՏԱՊ-ի առաջին ծրագրի կատարման ուղղությամբ իրականացվել է Վահագնի բնակավայրի ներհամայնքային 1195 մ երկարությամբ 5-6մ լայնությամբ ճանապարհի նորոգման աշխատանքներ՝ ասֆալտապատման միջոցով, ծրագրի ընդհանուր արժեքը կազմել է 66.341.670 դրամ, որից համայնքի մասնաբաժինը՝ 36.487.918 դրամ:

Արջուտ բնակավայրում իրականացվել է ներհամայնքային 527մ երկարությամբ 5-6մ լայնությամբ ճանապարհի նորոգման աշխատանքներ՝ ասֆալտապատման միջոցով, ծրագրի ընդհանուր արժեքը կազմել է 57.748.700 դրամ, որից համայնքի մասնաբաժինը՝ 31.761.785 դրամ:

2) Բազում բնակավայրի նախկին համայնքապետարանի շենքի հիմնանորոգում որպես մշակույթի կենտրոն, Փամբակ բնակավայրի հանդիսությունների սրահի կառուցում:

ՏԱՊ-ով նախատեսված երկրորդ ծրագրի կատարման ուղղությամբ Բազում բնակավայրում իրականացվել է նախկին համայնքապետարանի 190,61 քմ մակերեսով շենքի հիմնանորոգման աշխատանքներ՝ որպես մշակույթի տուն, ծրագրի ընդհանուր արժեքը կազմել է 18.795.000 դրամ, որից համայնքի մասնաբաժինը՝ 10.337.250 դրամ:

Փամբակ բնակավայրում իրականացվել է 140 քմ մակերեսով հանդիսությունների սրահի կառուցումն աշխատանքներ, ծրագրի ընդհանուր արժեքը կազմել է 53.197.000 դրամ, որից համայնքի մասնաբաժինը՝ 29.258.350 դրամ:

3) Լեռնապատ բնակավայրի մանկապարտեզի նոր մասնաշենքի կառուցում:

ՏԱՊ-ով նախատեսված երրորդ ծրագրի կատարման ուղղությամբ Լեռնապատ բնակավայրում իրականացվել է գործող մանկապարտեզին կից՝ 77քմ մակերեսով մանկապարտեզի նոր մասնաշենքի կառուցման աշխատանքներ, ծրագրի ընդհանուր արժեքը կազմել է 39.310.000 դրամ, որից համայնքի մասնաբաժինը՝ 11.793.000 դրամ:

4) Մարգահովիտ, Լեռնապատ, Անտառամուտ բնակավայրերի փողոցների նորոգում սալարկմամբ՝ տուֆապատման միջոցով:

ՏԱՊ-ով նախատեսված չորրորդ ծրագրի կատարման ուղղությամբ Մարգահովիտ բնակավայրում իրականացվել է ներհամայնքային 670մ երկարությամբ 5-6մ լայնությամբ ճանապարհահատվածի նորոգման աշխատանքներ՝ տուֆապատման միջոցով, ծրագրի ընդհանուր արժեքը կազմել է 60.912.100 դրամ, որից համայնքի մասնաբաժինը՝ 24.364.840 դրամ:

Լեռնապատ բնակավայրում իրականացվել է ներհամայնքային 250մ երկարությամբ 5-6մ լայնությամբ ճանապարհի նորոգման աշխատանքներ՝ տուֆապատման միջոցով, ծրագրի ընդհանուր արժեքը կազմել է 16.784.450 դրամ, որից համայնքի մասնաբաժինը՝ 6.713.780 դրամ:

Անտառամուտ բնակավայրում իրականացվել է ներհամայնքային 443մ երկարությամբ 5-6մ լայնությամբ ճանապարհահատվածի նորոգման աշխատանքներ՝ տուֆապատման միջոցով, ծրագրի ընդհանուր արժեքը կազմել է 24.268.460 դրամ, որից համայնքի մասնաբաժինը՝ 9.707.384 դրամ:

2023թ-ին Փամբակ համայնքի 7 բնակավայրերում իրականացված սուբվենցիոն ծրագրերի ընդհանուր արժեքը կազմել է 337.357. 380 դրամ, որից համայնքի նդրումը՝ 160.424.307 դրամ՝ կազմելով ընդհանուր ծրագրերի 47 %-ը:

5) Միկրոավտոբուսի ձեռք բերում:

ՏԱՊ-ով նախատեսված հինգերորդ ծրագիրը չի իրականացվել:

6) Արջուտ բնակավայրում նախադպրոցական ուսումնական հաստատության շենքի արևմտյան մասնաշենքի վերանորոգման-արդիականացման աշխատանքներ:

ՏԱՊ-ով նախատեսված վեցերորդ ծրագրի կատարման ուղղությամբ Արջուտ բնակավայրում հիմնվել է այլընտրանքային նախադպրոցական ուսումնական հաստատություն: Ծրագիրը ֆինանսավորվել է «Յունիսեֆ»-ի Հայաստանյան գրասենյակի կողմից, արժեքը՝ 6.195.000 դրամ, համայնքի ներդրումը՝ 143.000 դրամ:

7) Փամբակ համայնքի Ազնվածոր բնակավայրում այլընտրանքային նախադպրոցական ուսումնական հաստատության ստեղծում:

ՏԱՊ-ով նախատեսված յոթերորդ ծրագրի կատարման ուղղությամբ Ազնվածոր բնակավայրում նույնպես հիմնվել է այլընտրանքային նախադպրոցական ուսումնական հաստատություն: Ծրագիրը ֆինանսավորվել է ԿԳՄՍ նախարարության, «Յունիսեֆ»-ի Հայաստանյան գրասենյակի և համայնքի կողմից, ընդհանուր՝ 15.205.020 դրամ արժողությամբ, համայնքի ներդրումը՝ 2.200.000 դրամ:

8) Փամբակի համայնքապետարանի շենքին կից՝ կցակառույցի կառուցում, համայնքապետարանի բակի նորոգում և բարեկարգում:

ՏԱՊ-ով նախատեսված ութերորդ ծրագրի կատարման ուղղությամբ համայնքապետարանին կից կառուցվել է կցակառույց և իրականացվել է բակի բարեկարգում: Աշխատանքների ընդհանուր արժեքը կազմել է 22.249.800 դրամ, որից՝ 9.152.200 դրամը վճարվել է 2023թ-ին, իսկ 13.097.600 դրամը վճարվել էր 2022թ-ին:

9) Դեբետ բնակավայրի խմելու ջրի ցանցի կառուցում:

ՏԱՊ-ով նախատեսված իններորդ ծրագրի կատարման ուղղությամբ Դեբետ բնակավայրում GIZ-ի և համայնքապետարանի համաֆինանսավորմամբ իրականացվել է խմելու ջրի ցանցի կառուցման աշխատանքներ, ծրագրի ընդհանուր արժեքը կազմել է 24.020.000 դրամ, որից համայնքի մասնաբաժինը՝ 8.020.000 դրամ:

Տարեկան հաշվետվությունը ներկայացնելուց հետո փոխմարզպետ Գոռ Ասրյանը ողջունեց բոլորին և գոհունակություն հայտնեց 2023թ-ի ընթացքում Փամբակ համայնքում իրականացված աշխատանքների վերաբերյալ: Նա նշեց որ հաշվետու տարվա ընթացքում համայնքի ղեկավարը և աշխատակազմը պատվով են իրականացրել իրենց առջև դրված պարտականությունները և արել են ամեն ինչ՝ համայնքի բնակիչների կենսապայմանները և նրանց մատուցվող ծառայությունների որակը բարելավելու ուղղությամբ: Մասնավորապես նշեց սեպտեմբեր ամսին Արցախից բռնի տեղահանված մեր հայրենակիցներին դիմավորելու և առաջնային հումանիտար աջակցություն ցուցաբերելու հարցում համայնքի ղեկավարի կողմից իրականացված մեծածավալ աշխատանքները: Հյուրերը և ավագանու անդամները 2023թ-ին Փամբակ համայնքում իրականացված աշխատանքները գնահատեցին դրական:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 002-Ա/:

2. ԼՍԵՑԻՆ - Հողի հարկի ապառքի և անշարժ գույքի հարկի արտոնություն սահմանելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, որ հաշվի առնելով Փամբակ համայնքի Եղեգնուտ գյուղի բնակիչ Կամո Վոլոդյայի Հովհաննիսյանի դիմումը, այն հանգամանքը, որ նրա որդին՝ Անդրանիկ Կամոյի Հովհաննիսյանը համարվում է 44-օրյա պատերազմում անհայտ կորած կամավորական, իսկ ինքը սոցիալապես անապահով է և չի կարողանում վճարել հարկերը, առաջարկվում է նրան ազատել սեփականության իրավունքով պատկանող 06-036-0061-0003 կադաստրային ծածկագրով 0,302 հա բնակելի կառուցապատման հողամասի, 06-036-0162-0045 կադաստրային ծածկագրով 0,682 հա խոտհարքի և 06-036-0162-0033 կադաստրային ծածկագրով 0,535 հա վարելահողի համար.

1) Մինչև 2021թ-ը հաշվարկված 4346 ՀՀ դրամ հողի հարկի ապառքից և նրա վրա հաշվարկված 1268 ՀՀ դրամ տույժից, ընդամենը՝ 5614 ՀՀ դրամ հողի հարկից:

2) 2021-2024թթ ներառյալ հաշվարկված 14736 ՀՀ դրամ անշարժ գույքի հարկից և նրա վրա հաշվարկված 1796 ՀՀ դրամ տույժից, ընդամենը՝ 16532 ՀՀ դրամ անշարժ գույքի հարկից:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 003-Ա/:

3. ԼՍԵՑԻՆ - Փամբակ համայնքի սեփականություն համարվող արխիվային փաստաթղթերի սեփականության իրավունքը պետական սեփականության՝ Հայաստանի Հանրապետության ազգային արխիվի տնօրինմանը փոխանցելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, որ առաջարկվում է Հայաստանի Հանրապետության Լոռու մարզ Փամբակ համայնքի /Ազնվաձոր, Արջուտ, Անտառամուտ, Բազում, Դեբետ, Եղեգնուտ, Լեռնաջուր, Ձորագետ, Ձորագյուղ, Մարգահովիտ, Վահագնի, Վահագնաձոր, Փամբակ և Քարաբերդ բնակավայրերի/ սեփականություն համարվող փաստաթղթերը փոխանցել Հայաստանի Հանրապետության ազգային արխիվի տնօրինմանը:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 004-Ա/:

4. ԼՍԵՑԻՆ - Հայաստանի Հանրապետության Լոռու մարզի Փամբակ համայնքի ավագանու 09.02.2022թ-ի թիվ 11-Ա որոշման մեջ փոփոխություններ կատարելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, որ հաշվի առնելով Փամբակ համայնքի «Փամբակ կոմունալ» ՀՈԱԿ-ի տնօրեն Սարգիս Հակոբյանի առաջարկությունը, այն հանգամանքը, որ համայնքային ոչ առևտրային կազմակերպությունը սկսել է իրականացնել այնպիսի գործառույթներ, որոնք

սահմանված չեն կազմակերպության կանոնադրությամբ, առաջարկվում է Փամբակ համայնքի ավագանու 09.02.2022թ-ի «Հայաստանի Հանրապետության Լոռու մարզի Փամբակ համայնքի «Փամբակ կոմունալ» համայնքային ոչ առևտրային կազմակերպության կանոնադրությունը հաստատելու մասին» թիվ 11-Ա որոշմամբ հաստատված հավելվածում կատարել փոփոխություններ և այն շարադրել նոր խմբագրությամբ: Հիմնական փոփոխությունը իրականացվում է 2-րդ՝ „Կազմակերպության գործունեության առարկան և նպատակը,, կետում, սահմանելով գյուղատնտեսության, կոմունալ տնտեսության, ուղևորափոխադրման, կանաչապատման, ճանապարհների ընթացիկ նորոգման, սելավատարների մաքրման, փողոցային լուսավորության, բազմաբնակարան շենքերի սպասարկման, բեռնափոխադրման բնագավառներում ծառայությունների մատուցում:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 005-Ա/:

5. ԼՍԵՑԻՆ - Փամբակ համայնքի սեփականություն հանդիսացող հողամասերն աճուրդ վաճառքով օտարելուն, վարձակալության և կառուցապատման իրավունքներով տրամադրելուն համաձայնություն տալու, մեկնարկային գները, աճուրդի և մրցույթի պայմանները հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի պետ Արտակ Օհանյանը: Զեկուցողը ներկայացրեց, որ առաջարկվում է տալ համաձայնություն 20 լոտ հողամասերը աճուրդ վաճառքով օտարելուն, 10 լոտ հողամասը վարձակալության իրավունքով հատկացնելուն և 2 լոտ հողամասերը կառուցապատման իրավունքով, 50 տարի ժամկետով տրամադրելուն:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 006-Ա/:

6. ԼՍԵՑԻՆ - Համայնքային սեփականություն հանդիսացող հողամասերն Ինգա Նորայրի Սիրեկանյանին ուղղակի վաճառքով օտարելու մասին հարցի նախագիծը:

- զեկուցեց Փամբակի համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի պետ Արտակ Օհանյանը:

Զեկուցողը ներկայացրեց, որ հաշվի առնելով Ինգա Նորայրի Սիրեկանյանի դիմումը, վարձակալության իրավունքի վկայականները, առաջարկվում է տալ համաձայնություն Ինգա Նորայրի Սիրեկանյանին վարձակալության իրավունքով պատկանող Փամբակ համայնքի Ազնվածոր բնակավայրում գտնվող չորս հողամասերը, կադաստրային արժեքով նրան օտարելուն:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում / կցվում է որոշում N 007-Ա/:

7. ԼՍԵՑԻՆ - Համայնքային սեփականություն հանդիսացող հողամասերն Օնիկ Օնիկի Պեպանյանին ուղղակի վաճառքով օտարելու մասին հարցի նախագիծը:

- զեկուցեց Փամբակի համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի պետ Արտակ Օհանյանը:

Զեկուցողը ներկայացրեց, որ հաշվի առնելով Օնիկ Օնիկի Պեպանյանի դիմումը, վարձակալության իրավունքի վկայականները, առաջարկվում է տալ համաձայնություն Օնիկ Օնիկի Պեպանյանին վարձակալության իրավունքով պատկանող Փամբակ համայնքի Ազնվաձոր բնակավայրում գտնվող երկու հողամասերը կադաստրային արժեքով նրան օտարելուն:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում / կցվում է որոշում N 008-Ա/:

8. ԼՍԵՑԻՆ - ՀՀ Լոռու մարզի Փամբակ համայնքի ավագանու 2023թ-ի դեկտեմբերի 27-ի թիվ 148-Ն որոշման մեջ փոփոխություններ կատարելու մասին հարցի նախագիծը:

- զեկուցեց Փամբակի համայնքապետարանի աշխատակազմի ֆինանսատնտեսագիտական, եկամուտների հաշվառման և հավաքագրման բաժնի առաջատար մասնագետ Կիմա Շերմազանյանը:

Զեկուցողը ներկայացրեց, որ տարեսկզբի ազատ մնացորդը 31.12.2023թ-ի դրությամբ կազմում է.

- 1) վարչական բյուջեի մասով 12.837.353 դրամ 90 լումա
- 2) ֆոնդային բյուջեի մասով 3.288.810 դրամ
- 3) Սուբվենցիայի մնացորդ 26.130.697 դրամ 80 լումա

Անհրաժեշտ է նշված գումարները ներառել բյուջեում և ուղղել համապատասխան ծախսային հոդվածներ:

Նախորդ տարվա պարտքերի մարման նպատակով.

- 390.000 դրամ նախատեսվել է Քարաբերդի վարչական շենքի կառուցման համար:
- 1.757.700 դրամ նախատեսվել է Բազումի մշակույթի տան նորոգման համար:
- 5.265.000 դրամ՝ Փամբակ համայնքի հանդիսությունների սրահի կառուցման համար:
- 880.000 դրամ՝ ճանապարհային տրանսպորտ նախահաշվով Դեբետ բնակավայրում ճանապարհի ընթացիկ նորոգման համար:

- 12.748.600 դրամ՝ ճանապարհային տրանսպորտ նախահաշվով ճանապարհների տուֆապատման համար:
- 9.339.500 դրամ փողոցների լուսավորության նախահաշվով՝ Եղեգնուտ և Լեռնաջուր բնակավայրերի լուսավորության համակարգի կառուցման համար:
- 3.570.000 դրամ բնակարանային շինարարության նախահաշվով՝ Ձորագետի շենքի կապիտալ նորոգման համար:

Առաջարկվող փոփոխություններով նախատեսվում է նաև 01.01.01՝ Կառավարման ապարատ նախահաշվով, ընդհանուր բնույթի ծառայություններ՝ 4239 հոդվածում ավելացնել 1.000.000 դրամ, համայնքի արխիվային փաստաթղթերը Հայաստանի ազգային արխիվին հանձնելու համար:

8.020.000 դրամ նախատեսվում է GIZ կազմակերպության կողմից Դեբետ բնակավայրում խմելու ջրի ջրագծի կառուցման համար, որպես համայնքի ներդրում:

800.000 դրամ նախատեսվում է համայնքի ղեկավարին կից կանանց և երիտասարդների խորհրդակցական մարմնի կողմից իրականացվող „Հարդանախշերի երկխոսություն,, ծրագրի համար, որպես համայնքի ներդրում:

968.000 դրամ նախատեսվում է Վահագնի գյուղում ոռոգման ջրամբարի կառուցման ծրագրի նախագծանախահաշվային փաստաթղթերի ձեռքբերման համար:

55.395.200 նախատեսվում է ճանապարհային տրանսպորտով՝ Վահագնի և Արջուտ բնակավայրերում ճանապարհների ասֆալտապատման համար, որպես պետության կողմից հատկացվելիք մասնաբաժին:

Վերը նշված ծախսերը ավելացվել են տարեսկզբի ազատ մնացորդների և բյուջեի պահուստային ֆոնդից կատարված հատկացումների հաշվին:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում / կցվում է որոշում N 009-Ն/:

9. ԼՍԵՑԻՆ - ՀՀ Լոռու մարզի Փամբակ համայնքում մասնակցային բյուջետավորման գործընթաց իրականացնելու նպատակով գումար հատկացնելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը առաջարկեց Փամբակ համայնքի 2024թ-ի բյուջեից հատկացնել 2 000 000 դրամ գումար՝ 2024թ-ի ընթացքում մասնակցային բյուջետավորման գործընթաց իրականացնելու նպատակով: Նշված գումարը պլանավորել բյուջեի պահուստային ֆոնդում, մինչև համայնքի բնակիչների կողմից քվեարկության արդյունքում ընտրված առաջարկը ավագանու հավանության արժանանալը և կոնկրետ ծախսային ուղղվածություն որոշելը:

Հաշվի առնելով այն հանգամանքը, որ Փամբակ համայնքի մեջ ներառված են բացառապես գյուղական բնակավայրեր, մասնակցային բյուջետավորման գործընթացի իրականացման համար սահմանվում է գյուղատնտեսության ոլորտը՝ որպես առաջնահերթություն:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 010-Ա/:

10. ԼՍԵՑԻՆ - . «Աստղիկ» բարեգործական ՀՄԴ-ին կարի արտադրամաս շահագործելու նպատակով, Փամբակ համայնքի սեփականություն հանդիսացող Վահագնի գյուղի վարչական կենտրոնի շենքի 142,2 քմ մակերեսով նկուղը վարձակալությամբ տրամադրելու մասին հարցի նախագիծը:

- զեկուցեց Փամբակի համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի պետ Արտակ Օհանյանը: Զեկուցողը առաջարկեց տալ համաձայնություն համայնքային սեփականություն հանդիսացող Վահագնի գյուղի վարչական կենտրոնի /նախկին Վահագնիի համայնքապետարանի/ շենքի 142,2 քմ մակերեսով նկուղը կարի արտադրամաս շահագործելու նպատակով, 10 տարի ժամկետով վարձակալությամբ «Աստղիկ» բարեգործական ՀՄԴ-ին օգտագործման տրամադրելուն: Տարածքի վարձակալության ընդհանուր արժեքը մեկ տարվա համար սահմանել 120000 /մեկ հարյուր քսան հազար/ ՀՀ դրամ:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 011-Ա/:

11. ԼՍԵՑԻՆ - ՀՀ Լոռու մարզի Փամբակ համայնքում տեղական տուրք և վճարվողների գրանցամատյանները վարելու կարգը հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը առաջարկեց հաշվի առնելով «Տեղական տուրքերի և վճարների մասին» Հայաստանի Հանրապետության օրենքի 4-րդ հոդվածի դրույթները հաստատել ՀՀ Լոռու մարզի Փամբակ համայնքում տեղական տուրք և տեղական վճար վճարողների հաշվառման, գրանցամատյանների վարման կարգը, ինչպես նաև Փամբակ համայնքում տեղական տուրք և վճար վճարողների գրանցամատյանների ձևերը:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում /կցվում է որոշում N 012-Ն/:

12. ԼՍԵՑԻՆ - Փամբակ համայնքի 2024 թվականի տարեկան աշխատանքային պլանը հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, որ 2024թ-ի բյուջեի հաստատմանն է հաջորդում Փամբակ համայնքի 2024թ-ի տարեկան աշխատանքային պլանի հաստատումը՝ համաձայն հավելվածի: ՏԱՊ-ում ներառված են 15 ծրագրեր, որոնց մի մասը նախատեսվում է իրականացնել սուբվենցիոն ծրագրերով, մի մասը՝ համայնքի բյուջեի և այլ ներդրողների համաֆինանսավորմամբ: ՏԱՊ-ում ներառված ծրագրերն են.

- 1) Դեբետ բնակավայրի խմելու ջրի ցանցի կառուցում:
- 2) Վահագնի բնակավայրում մանկապարտեզի նոր մասնաշենքի կառուցում:
- 3) Վահագնաձոր բնակավայրում մանկապարտեզի շենքի վերանորոգում:
- 4) Լեռնապատ բնակավայրի հանդիսությունների սրահի կառուցում:
- 5) Ձորագյուղ բնակավայրերի գազաֆիկացում:
- 6) Եղեգնուտ բնակավայրերի գազաֆիկացում:
- 7) Մարգահովիտ բնակավայրի փողոցի նորոգում ասֆալտապատման միջոցով:
- 8) Ազնվաձոր բնակավայրի փողոցի ընթացիկ նորոգում ասֆալտապատման միջոցով:
- 9) Փամբակ բնակավայրի կենտրոնական փողոցների լուսավորության համակարգի նորոգում՝ արևային ֆոտովոլտային կայանների տեղադրմամբ:
- 10) Վահագնաձոր բնակավայրի կենտրոնական փողոցների լուսավորության համակարգի նորոգում՝ արևային ֆոտովոլտային կայանների տեղադրմամբ:
- 11) Բազում բնակավայրի կենտրոնական փողոցների լուսավորության համակարգի նորոգում՝ արևային ֆոտովոլտային կայանների տեղադրմամբ:
- 12) Փամբակի համայնքապետարանի շենքի տանիքին արևային ֆոտովոլտային կայանների տեղադրում:
- 13) Վահագնի բնակավայրում ոռոգման ջրամբարի կառուցում:
- 14) Մասնակցային բյուջետավորում ծրագրի շրջանակներում գյուղատնտեսական ծրագրի իրականացում:
- 15) „Զարդանախշերի երկխոսություն,, ծրագրի շրջանակներում Բազումի մշակույթի տան տանիքին արևային ֆոտովոլտային կայանների տեղադրում և գորգագործության սենյակի հիմնում:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 15, ընդունվեց որոշում / կցվում է որոշում N 013-Ա/:

13. ԼՍԵՑԻՆ - Հայաստանի Հանրապետության Լոռու մարզի Փամբակ համայնքի ավագանու վեցերորդ նստաշրջանի հերթական նիստի օր սահմանելու մասին հարցի նախագիծը:

- Նիստը վարողն առաջարկեց քվեարկությամբ որոշել Փամբակ համայնքի ավագանու վեցերորդ նստաշրջանի հերթական նիստի օրը: Համայնքի ղեկավարն առաջարկեց հաջորդ նիստի օր նշանակել 2024 թվականի մարտի 21-ը: Առաջարկը դրվեց քվեարկության:

Քվեարկությամբ, կողմ՝ 15, ընդունվեց որոշում /կցվում է որոշում N 014-Ա/:

Փամբակ համայնքի ավագանու վեցերորդ նստաշրջանի հերթական նիստի օր նշանակել 2024 թվականի մարտի 21-ը: Նիստի սկիզբը սահմանվեց ժամը 13.00-ն:

ՆԻՍՏԻՆ ՆԵՐԿԱ ԱՎԱԳԱՆՈՒ ԱՆԴԱՄՆԵՐ՝

ԱՆԱՆՅԱՆ ՍԱՄՎԵԼ

ԱՆՏԻՆՅԱՆ ԱՇՈՏ

ԲՈՋՈՒԿՅԱՆ ԹԻԱՆԱԱ

ԳԱՍՊԱՐՅԱՆ ԷՄՄԱ

ԽԱՉԱՏՐՅԱՆ ՍԵՎԱԿ

ԿԱՐԱՊԵՏՅԱՆ ԳՐԻԳՈՐ

ԿՈՍՏԱՆԴՅԱՆ ՍՈՒՐԵՆ

ՀԱԿՈԲՅԱՆ ՇՈՒՇԱՆԻԿ

ՀԱՐՈՒԹՅՈՒՆՅԱՆ ՆԱԻՐԱ

ՄԱՐԱՆԴՅԱՆ ՍԱՍՈՒՆ

ՈՍԿԱՆՅԱՆ ԱՐՄԵՆՈՒՀԻ

ՊԱՊԻՆՅԱՆ ՊԱՎԼԻԿ

ՍԱՐԴԱՐՅԱՆ ՍԵՐՅՈԺԱ

ՍՐԱՊՅԱՆ ԱՐՇԱԿ

ՔՈՉԱՐՅԱՆ ԱՐԱՅԻԿ

ՀԱՄԱՅՆՔԻ ՂԵԿԱՎԱՐ՝

ԱՐՁԱՆԱԳՐՈՂ՝



ՍՈՒՐԵՆ ԿՈՍՏԱՆԴՅԱՆ

ՌԱԽԱ ՄԻՆԱՍՅԱՆ